
MOCIÓN DO GRUPO MUNICIPAL DE COMPOSTELA ABERTA PARA IMPULSAR UN PROGRAMA DE CANGURAXE EN SANTIAGO

O Grupo Municipal de Compostela Aberta, ao abeiro do regulamento orgánico municipal do Concello de Santiago, presenta a seguinte moción para o seu debate no Pleno.

EXPOSICIÓN DE MOTIVOS:

A crise sanitaria provocada pola Covid-19 está poñendo de manifesto dende o seu inicio no mes de marzo a importancia dos cuidados para o sostemento da vida. Uns cuidados que, ademais, están enormemente feminizados, como poden ser os das empregadas do fogar, as traballadoras dos centros de maiores e residencias, as profesionais dos servizos de axuda a domicilio, etc. E a maiores de todos estes, aínda existen toda unha serie de cuidados que son, se cabe, aínda máis invisibilizados, como son os que se dan no ámbito familiar e doméstico.

No espazo das familias este tipo de cuidados teñen unha dobre fenda de corresponsabilidade desde dúas vertentes: a corresponsabilidade entre mulleres e homes e a corresponsabilidade entre cidadanía e administracións públicas. No marco desta segunda fenda de corresponsabilidade, consideramos que tanto a administración galega como a administración local teñen como obriga facilitar que as familias poidan coidar con garantías e asegurar unha certa calidade de vida a todas as persoas, teñan a idade que teñan, coticen ou non coticen.

Santiago de Compostela non escapa a este contexto xeral, tamén no noso municipio a maioría do tempo dedicado ao traballo de cuidados recae nas familias, principalmente nas mulleres, e de maneira non remunerada. E coa irrupción da pandemia a situación en relación aos cuidados e á conciliación da vida laboral e familiar non fixo máis que empeorar. Nestes momentos, coa segunda vaga de contaxios e as restricións á mobilidade provocadas polos confinamentos perimetrais prodúcense tamén impactos negativos na restricións da actividades de lecer dos nenos e as nenas, así como na vida laboral das persoas, asuntos que provocan incerteza e unha gran presión sobre as familias e as mulleres.

Nesta situación, son imprescindibles e necesarias políticas públicas específicas que acheguen solucións ás necesidades de conciliación da vida laboral, familiar e persoal. Os cuidados son un ben común que temos que garantir e axudar a organizar tamén dende as administracións mais próximas a cidadanía como son os Concellos.

No pasado mes de maio o Pleno do Concello de Santiago aprobou unha moción para garantir un servizo de conciliación ás familias. Nese acordo incluíase a aprobación da elaboración nos seguintes seis meses dun Plan de coidado e conciliación "Compostela coidadora" que incidise na responsabilidade do coidado coas medidas e recursos necesarios. De momento, descoñecemos o avance e realización deste plan, pero entendemos que no marco do mesmo é urxente impulsar un *Programa de Canguraxe en Compostela*, un programa que permita apoiar especificamente ás mulleres no seu proceso de participación socio-laboral. Un servizo de canguraxe que teña como obxectivo crear un conxunto organizado e integrado de tarefas que favorezan a conciliación persoal, familiar e laboral. Para iso, as actividades deberían estar centradas en coidados básicos e atencións aos e as menores no seu propio domicilio e fóra do mesmo.

En definitiva, un programa que funcione na liña de recoñecemento dos coidados como un pilar fundamental da sociedade, e para iso, é imprescindible recoñecer como esenciais todos os traballos de coidados posto que supoñen un vector de desenvolvemento económico e democrático. Así pois, tendo en conta o anterior, o Grupo Municipal de Compostela Aberta presenta á consideración do Pleno o seguinte:

ACORDO:

- Instar ao correspondente órgano de goberno a impulsar un *Programa de Canguraxe*, en colaboración coa Consellería de Políticas Sociais, que facilite a conciliación e a garantía dos coidados no municipio e que comprenda:
 - A. Un servizo de atención á infancia no domicilio ou de acompañamento que recolla as necesidades familiares.
 - B. Un servizo con espazos acondicionados para a atención en diversos centros cívicos, pavillóns ou ludotecas do termo municipal.
 - C. Un servizo que priorice ás unidades familiares con menos recursos e con necesidades asociadas á conciliación, familias que teñan menores de idades ata os 12 anos.

Santiago de Compostela, 18 de Novembro de 2020

Marta Leís González

Concelleira do Grupo Municipal de Compostela Aberta



GRUPO MUNICIPAL

Justificante de Presentación

Datos del interesado:

CIF - V70466677 GRUPO MUNICIPAL COMPOSTELA ABERTA

Dirección: Praza OBRADOIRO
Santiago de Compostela 15705 (Coruña, A-España)

Teléfono de contacto: 981542360

Correo electrónico: COMPOSTELAABERTA@SANTIAGODECOMPOSTELA.GAL

Datos del representante:

NIF - 44826067X MARIA DEL RÍO NOYA

Dirección: Praza OBRADOIRO
Santiago de Compostela 15705 (Coruña, A-España)

Teléfono de contacto: 981542360

Número de registro: 200119451124
Fecha y hora de presentación: 18/11/2020 12:36:40
Fecha y hora de registro: 18/11/2020 12:36:40
Tipo de registro: Entrada
Oficina de registro electrónico: REGISTRO ELECTRÓNICO
Organismo destinatario: L01150780 - Ayuntamiento de Santiago de Compostela
Organismo raíz: L01150780 - Ayuntamiento de Santiago de Compostela
Nivel de administración: Administración Local

Asunto: MOCIÓN PARA IMPULSAR UN PROGRAMA DE CANGURAXE

Expone: O GRUPO MUNICIPAL COMPOSTELA ABERTA PRESENTA UNHA MOCIÓN PARA IMPULSAR UN PROGRAMA DE CANGURAXE PARA O SEU DEBATE NO PLENO DE NOVEMBRO

Solicita: SE DEA TRASLADO DA MOCIÓN Á SECRETARÍA DO PLENO MUNICIPAL

Documentos anexados:

MOCIÓN CANGURAXE - MOCIÓN CANGURAXE.pdf (Huella digital: 10c4263b64ed60eb05e3d74f5e2f08a48371aded)

Alerta por SMS: No

Alerta por correo electrónico: Sí

El presente justificante tiene validez a efectos de presentación de la documentación en este Registro Electrónico y no prejuzga la admisión del escrito para su tramitación. La fecha y hora de este Registro Electrónico es la de la Sede electrónica del Punto de Acceso General (<https://sede.administracion.gob.es/>). El inicio del cómputo de los plazos que hayan de cumplir las Administraciones Públicas vendrá determinado por la fecha y hora de presentación en el registro electrónico de cada Administración u organismo.

De acuerdo con el art. 31.2b de la Ley39/15, a los efectos del cómputo de plazo fijado en días hábiles, y en lo que se refiere al cumplimiento de plazos por los interesados, la presentación en un día inhábil se entenderá realizada en la primera hora del primer día hábil siguiente salvo que una norma permita expresamente la recepción en día inhábil.

De acuerdo con el Art. 28.7 de la Ley 39/15, el interesado de esta solicitud se responsabiliza de la veracidad de los documentos que presenta.

